

重修安澤縣志

三冊

卷三	建置
卷四	村里
卷五	學校

重修安澤縣縣志卷之三

建置志

城郭

縣治

壇廟

天壇社稷壇官地附

倉儲

附豐備倉

街道

坊表

建設局

附

古之論地理者必首城池則營建莫先於此矣安治圍徑二里許規模具焉其間臨民則有政府福民則有壇廟養民則有倉儲坊表民所瞻仰街道民所貿遷金湯鞏固胥賴長民者經營爾夫山川不改世代推移彼召伯之相宅衛文之作宮藉非載於詩書烏能流傳至今哉志建置

城郭

城者衛也所以衛人民也安澤小邑僻處深山城垣之設由來舊矣其間創建增修不一其人要皆大有裨於斯邑者

城周圍二里一十二步高三丈上闊一丈二尺下闊二丈池深五尺開東南西北四門

考邑城自隋大業二年改岳陽縣爲城元至正二十八年守禦斷事宋恭肅縣尹段文質修築城垣開南西北三門明成化二年溫家溝水漲衝壞南城一半而城非復舊制知縣岳讓鳩工重修宏治間知縣姚顯繼修嘉靖十年知縣周冕築兩關土城萬歷四十四年知縣羅曰瑞磚甃北門崇禎六年知縣喬王翰

安澤縣志

卷三 建置

城郭

二

石砌東城一角崇禎九年知縣戡邦禮石包東城一面清順治十二年知縣郭奇勳土築北城一面康熙元年以後知縣李丕先趙時可朱亮采王勗陞相繼修理康熙三十年知縣盧振先創開東門康熙五十五年知縣方邃創建東門樓雍正元年知縣鄒汝謙創建北城樓二座東南角樓一座重修南城樓二座鐘樓一座補葺東南北三面城墻梁口二百二十八堵道光五年知縣宣麟創建護城河堤百餘丈以防水患當時董其役者邑人宋時瑗宋繼曾張鳳志李在嶠也十一年知縣徐文翰修西南隅城梁二十九年知縣王熾修補河堤六十餘丈咸豐三年署知縣蕭大成石砌南城十丈五改東南角樓爲文昌詞以

縣治係癸山丁向不宜開東門塞之十年澗水泛漲衝毀河堤五十餘丈並南城一角十一年知縣銀沆葺新之同治七年知縣勞文慶以東門既塞城樓不宜獨存乃撤其木瓦添修南北二樓凡城垣之破損者補修之並改東南角文昌祠爲奎光樓增其崇肖魁星像於其中焉

光緒十四年邑令舒清阿同邑紳李名標王之濬張清佐創建南關新南門工未竟邑人以出入不便中止查現在南關甕城門濱臨大河如脫囊風水之說雖不必信而一洩無餘殊少含蓄不如靠西山修路至大覺寺坡底而止由新南門出入往來避過去水較爲兜裹完密後之君子庶留意焉

安澤縣志

卷二 建置

城郭

三

按邑東門於咸豐三年因兵燹杜塞非關風水之說也光緒二十一年邑令張維彬同邑紳李名標王之濬張清佐王之哲創建東門月城並石砌東城牆九丈南北兩角迤東城牆二十餘丈西北城牆六丈補葺四面城梁口重修城東北角鐘樓一座鼓樓一座即岳陽樓關帝廟一處凡城垣之傾圮者咸補修之遂開東門宣統三年因匪亂復塞東門民國二年縣知事李鍾珩同縣議會議長議員喬逢源劉致中趙維鼎李鍾英趙重文孫林生王祖培張善運李篤生田在心劉寶瑤王光裕張慶瀚王麟元邢天祺宋煥章馮興魯王恩培劉肇基白守貞李德福何傑賈文光張敬書黨之璜並邑紳王之哲李聯科王捷三重築西

門外安民堡圍牆二十丈城之周圍損壞者一律修葺復東開門從此岳陽完全四門矣地靈人傑吾邑其寢昌乎

重開東門記

東生方也東門生方之通氣出入處也按縣治來龍自西北霍山蜿蜒而來氣脈直注生方全城如靈鳥形南北爲翼城中爲腹東門內糧店爲倉廩東門爲咽喉首注城外澗河爲飲水處所城門豁開聯貫一氣飲啄最爲適宜以地理而論東門之不宜閉塞也明甚難之者曰民國六年土匪進城不數年又有越獄之變東門洞開保無滋事是又不然土匪進城由南城呼門而入監犯越獄由獄內變與東門無與或謂東門旣開須派警

安澤縣志

卷二 建置

城郭

四

站崗詎不糜費查警餉一項按錢糧附加徵收其全縣警士由全縣人民供給縣治爲全縣首善之區又爲各長官行政地點安縱瘠苦豈惜此區區之費乎况門外有菜園數家鷄鳴狗吠內外相聞更無派警之必要或又謂軍事方殷土匪潰兵在在可虞東門以不開爲是余以爲未然前吉林張煥忱縣長之言曰四門大開匪不敢來城以人守非以門守何必杜門以示懦乎清光緒中葉城內街市蕭條人民凋敝困苦已達極點知縣事滇南張樸園太史精地輿之學以爲地方窮苦全由生方閉塞之故於是銳意開門又恐一洩無餘創修月城以蓄其氣又擬重建東門城樓以卓異調升平遙縣不果自是厥後市井稠

密民殷物阜氣象改觀迥異曩昔近年以來虧折倒閉已居多數以致商民交困議者咸歸咎於東門窒塞使然是雖不盡由於風水而風水已見一端矣民國十九年七月奉上峯令開行政會議闔縣紳耆以開東門爲前提縣長忻縣楊崑山先生允其議遂於八月一日之吉重開東門以通風氣而使交通合邑幸甚後之有議塞是門者皆畏蒞闖茸無能者也

安澤縣府歲久失修大門外斷碣殘碑狼藉滿地府前石舖舊路殘缺窪下往來多感不便其他沿街各巷亦凸凹坎陷以及厠溷錯雜有礙 生民國壬申武鄉史簡文縣長宰是邑見其腐敗頹朽擬爲廓清修理爰飭公安局長李耀東巡緝隊隊長

安澤縣志

卷二 建置

城郭

五

劉久安督率兵士將碣之有關地方政教者移豎大堂以備稽考由宅門以迄府前自西徂東石舖馬路三十餘丈又墜茨丹艸不事華飾以求整潔其大街僻巷亦一律修治完竣以期道路清潔適於衛生不兩閱月而厥功告成並未勞民之力傷民之財其亦造成廉潔政府之導河歟是是役也隊長劉久安先生操畚鑿圻泥塗與士卒同工作尤爲出力云安澤西門依山築城爲一縣來龍亦一城險要也易曰王公設險以守其國况天然之險烏可不守是以各前縣屢經修葺未臻完善本年三月縣長史簡文先生以西城最關緊要籌款修築內外圍牆五十丈又創建崗樓一座常川駐警以資瞭望而備非常從此有

備無患矣

安澤縣志

卷三 建置

城郭

六

縣治

化布琴堂原不侈乎千間廣廈訟清冰案能無資乎三尺皇
堂况發號施令民之聃幪係焉詎止風雨攸除已哉泣是府
者勿徒視為傳舍則國計民生實嘉賴之矣

縣治

元大定二年知縣劉榮祖創建明洪武二年知縣楊守
忠景泰初知縣劉興慶嘉靖年知縣周冕相繼重修

大門三楹

儀門一楹

戒諭亭一座

在儀門
內甬道

大堂三楹

二堂三楹

安澤縣志

卷二 建置

縣治

七

三堂三楹

收糧處

大堂左前稅科
房倉房舊址

男女看守所

大堂左前吏戶
禮三房舊址

監獄公署

大堂右前庫房錢
糧房承發房舊址

禁獄

儀門內右清雍正八年知縣鄒汝謙典史張國相捐修
重犯監房二間獄神廟一間十年知縣趙温奉文創建

女監房三間民國二年縣知事李鍾珩司法科科長王
祖培創建監房四間六年縣知事海鵬運管獄員郝驥

邑紳王之
哲重修

監獄外舍

大堂右前兵刑工
屯田四房舊址

辦公廳

大堂後前冰
玉堂舊址

科員公廨

長
二堂左前書
房松亭舊址

茶房 二堂 左偏

收發處 二堂 左

會客廳 二堂 右

縣長公廨 三院 後

三科辦公所 縣府東前督捕廳 即典史署舊址

政務警察室 大門左右前 大門司閭室

街公所 民國七年成立縣 治南火神廟舊址

三班房 縣治南清雍正八年知 縣董宗孔創修今廢

岳陽樓 縣治東又名鼓樓知縣晏相塑魁星其上又名魁星樓 年久塌壞不堪知縣鄒汝謙糾率閭邑重修加增一層

察院 縣治南今改 為閭邑商會

安澤縣志

卷三 建置

縣治

八

學宮 詳學 校

申明亭 久廢

旌善亭 久廢

陰陽學會 久廢

醫學會 久廢

僧會司 城北龍 王廟

道會司 城內真武 廟久廢

養濟院 北關 久廢

育嬰堂 北關清康熙四十五年知 縣王昌祚奉文創建今廢

漏澤圃 北關外邑泰安縣知 縣趙汴施地設立今廢

南北關施茶亭

亦知縣趙汴施地建亭成立今廢北關
橋頭茶房現龍王廟僧人出賃食租

安澤縣志

卷三 建置

縣治

九

壇廟

壇壝之設始自周官所以崇祈報也漢魏而下為通祀凡禦
災捍患勤官死事者皆與焉自是厥後規制崇隆設壇立廟
凡以衛民民生之胥匡在是也傳曰成民而致力於神是所
望於賢有司焉

社稷壇

縣北門外四面圍牆皆用硃雍正十年知縣
趙溫創修祭品禮儀詳見典禮今止存基址

風雲雷雨山川壇

縣南四面圍牆外皆用硃雍正十年知縣趙
溫創修祭品禮儀詳見典禮今止存基址

先農壇

縣北門外雍正五年知縣鄒汝謙奉
文創建祭品禮儀詳見典禮今圯

邑厲壇

縣北門外祭物祭期厲文
俱詳載典禮今存基址

關岳廟

南關康熙五十一年閭邑士庶捐資重修有司致祭及朔望行
香者其民間別立廟隨在多有民國四年奉文關岳合祀改名

安澤縣志

卷二 建置

壇廟

十

關帝後殿

雍正六年知縣鄒汝謙奉文
創建祭品禮儀俱詳載典禮

城隍廟

南關康熙三十年知縣盧振先重
修民國五年閭邑士紳捐資重修

八蜡廟

南關康熙五十年邑士庶捐資重
修民國十九年八月重修邑士庶捐資重
修

真武廟

城內西城
之上下久廢

玉皇廟

縣西北雍正七年
知縣鄒汝謙重修

中鎮行祠

縣西北雍正七年
知縣鄒汝謙重修

岱宗行祠

城東南
久廢

文昌祠

縣東南山康熙二十四年
知縣趙時可重修久廢

文昌宮

縣東屏風山道光十五年知
縣宣麟創建今已殘廢堪

新文昌宮

城內學宮西光緒二十六年邑
令張維彬創建今改設稽徵局

觀音堂

南關

魯班廟

北門外

舜帝廟

北縣莊
楊下久廢

卻大夫祠

北門外
久廢

商山廟

西南山一名南
觀今廢折毀無存

安樂廟

縣東瓦溝灌

三官樓

縣南門外
同治間河漲發冲毀無存

馬王廟

城東南隅康熙四十四年創建
同治間河水漲發冲毀無存

藥王廟

縣東屏風山雍正三年重修
民國十七年捐資重修

河伯祠

北門外

安澤縣志

卷二 建置

壇廟

十一

龍王廟

北門外雍正九年重修
有司致祭及朔望行香者其民間別立廟隨在多有宣統二年僧人本旺募資重修

扶風閣

縣南三里雍正十年創建今廢

財神廟

縣治西今改為模範小學校

火神廟

縣署前今改為城關街公所

龍母宮

在燒車村前龍母溝

秦王廟

在縣東南堯店村內祀唐太宗

后土廟

縣東古鎮

二郎廟

縣北石渠村

碧霞元君廟

縣北和川鎮

天仙聖母廟

縣東府城鎮

三清廟

縣東小和村

岱山廟

縣北北平村

南神廟

縣東上村

祖師廟

縣東南七十郭店村

玄武廟

縣西北七十里雀山頂順治年創建

開天殿

金堆里內祀三皇五帝

天壇

南壇裏水地一畝二分

社稷壇

北關龍王廟旁平地六畝

安澤縣志

卷三 建置

壇廟

十二

倉儲

倉廩之設原以備緩急重民生法至良也國家加惠元元軫念黎庶重農貴粟多方儲蓄官斯土者尙其留心民瘼善為經理勿使紅朽勿致侵漁庶荒政有備而億兆蒙休矣

舊制

預備倉 在縣南門內西隅久廢

大有倉 在縣治內久廢

盈字倉 在學宮內久廢

義倉 改易布政司公署為之因墻垣不固難以儲蓄復改易縣治內布政司公署今改為公安局

圓倉廩叁座 在縣堂左右清康熙五十三年知縣王勗陞創建久廢

安澤縣志

卷二 建置

倉儲

十三

圓倉廩肆座 在南門內西南隅預備倉舊址雍正二年知縣鄒汝謙捐建久廢

圓倉廩壹座 在南門內西南隅預備倉舊基雍正三年知縣鄒汝謙捐建久廢

圓倉廩伍座 在南門內西南隅預備倉舊基奉文領價創建久廢

存盤圓倉壹座 在南門內西南隅預備倉舊基知縣鄒汝謙捐建

以上南門內西南隅共倉廩一十一座儲穀九千三百六十九石一斗八升八合有奇每逢歲歉奉文開倉散賑旋放旋收並無虧短光緒三年歲遭大祲將所儲穀盡行賑濟光緒五年爵撫部院曾題奏頒發帑銀八千七百有奇採買新穀七千四百八十四石四斗有奇光緒十八二十七等年迭遭歲祲陸續散放今已無存倉廩亦全行傾圮

民國十九年六月縣長楊世瑛邀同地方士紳籌款重修
方倉廩二座圓倉廩一座倉神殿一座倉院圍牆二十丈
大門一座倉房院一律完固

豐備倉

豐備倉亦義倉也勸民績谷以備荒年豐則收之歉則散之法
至善也殆所謂惠而不費者歟

清光緒十年邑令毛世黼奉文創建計十五里共建倉三十五
處集穀四千五百三十九石二斗三升自十八年二十六年兩
次賑荒各里全行放訖民國以來歷年收集現在十五里各有
儲穀庶幾有備無患云

安澤縣志

卷三 建置

倉儲

十四

茲將豐備倉積穀村名開列於後

城關街	張家溝村	張莊村	辛莊村
白素村	辛佛村	古陽村	金堆村
偏澗村	古縣村	永樂村	草峪村
西庄村	堯峪村	高城村	三合村
上治村	賈村	並候村	堯店村
左村	東池村	孫寨村	河底村
郭店村	崖底村	龍王溝村	府城村
高壁村	藍村	南孔村	冀氏村
南孔灘村	衛寨村	王峪村	馬壁村

橫嶺村

北孔灘村

杜村

二道河村

英寨村

勞井村

石渠村

和川村

安上村

駟亭村

羅雲村

花車村

唐城村

亢駟村

北平村

唐村

賈寨村

新庄

賈會村

圪台上村

黨家山

大南平村

小南平村

上寶豐村

下寶豐村

窩溝

黃家窩

亢駟堡

灣裡村

東灣裡村

西溝村

三交村

上庄

下庄

西圪台村

蔴家山村

安澤縣志

卷三 建置

倉儲

十五

街道

有城郭即有街道街道者官民之所共由貿易之所駢集也故
侵佔汙穢律禁綦嚴則街道之宜整肅也久矣安雖彈丸而關
廂市井未嘗不具焉

安澤石砌成街歷年久遠傾陷不平清雍正八年四月知縣鄒
汝謙訓導李瑗典史張國相捐金倡修士民以次樂輸石砌成
街自南城外至北關共修一百五十五丈自東門至正街自古
樓至學巷共修六十五丈寬八尺城門底俱用石條鋪平開治
水道增修水門自是而街道坦平矣並將各街巷附錄於左

縣門前街

中街

南街

北街

安澤縣志

卷三 建置

街道

十六

文廟街

養佳衚衕

王家巷

任家巷

瑤上巷

財神廟巷

土巷

東城濠巷

北街巷

南關街

北關街

坊表

書曰表厥宅里樹之風聲殆坊表所由始乎安雖小邑其勳業功名忠孝節義有足昭示來許者國家褒嘉善良豎表建坊迄於今人雖往而名不湮庶觀感者知所興起焉不可謂非勵俗維風之一助也

德配天地坊

在櫺星門左

道貫古今坊

在櫺星門右

忠義坊

在南關帝廟前

庇民坊

在南關隍廟前

除弊坊

在南門內為邑令鄒汝謙立

安澤縣志

卷二 建置

坊表

十七

世科坊

在南街為張環張本父子立

流芳坊

在北街為趙廷伋立

恩綸坊

在北街為趙廷儼立

節孝坊

在北街為段爾魁之母弓氏立

恩榮坊

在東門內為趙瀛趙汝斌父子立

感恩坊

在南關為邑令李希軾立

孝義坊

在王家巷為王靈沼並妻任氏立

建設局

舊稱農務局

局長一員

由縣政府一等科員兼代

技士一員

舊稱技術員

書記一員

安澤縣志

卷三 建置

附建設局

十八

